

# Advanced Business Solutions-ABS

---

## 1. INFORMACIONE TË PËRGJITHSHME

Shoqëria "Advanced Business Solutions-ABS" shpk është regjistruar në regjistrin tregtar të shoqërive, më datë 08.05.2002, pranë Qendrës Kombëtare Tregtare, Tiranë.

Veprimtaria e saj rregullohet sipas dispozitave përkatëse të Ligjit Nr. 9901, datë 14.04.2008 "Për Shoqëritë Tregtare", nga statuti i saj dhe legjislacioni shqiptar në fuqi për tatim taksat.

Aktiviteti kryesor i shoqërisë është: *Tregtim, import-eksport i paisjeve elektronike, informatike, mekanike të telekomunikacionit, të linjave dhe makinerive, të pjesëve të ndryshme të këmbimit. Ofrimi i shërbimeve të ndryshme telefonike të internetit. Ofrim i shërbimit të konsulencës së aktivitetit ekonomiko-financiar dhe hartimin e raporteve financiar. Ofrimin e shërbimit si komisioner Agjent Tregtar, aplikim imazhi grafik, video, audio, printim CV, DVD.*

Certifikimi tatimor NUIS: K21710002J

Kapitali themeltar: 236,040,354 lekë, i ndarë në 1 kuotë, me vlerë nominale 236,040,354 lekë.

Kuotat e pronësisë:

- Z. Gerond Meçe, zotërues 100% të kapitalit themeltar

Forma juridike e shoqërisë është: Shoqëri me përgjegjësi të kufizuar

Selia e shoqërisë nga muaji nëntor 2012 ndodhet në Rrugen Papa Gjon Pali II, H.11/1, Tiranë.

Shoqëria në datë 31.12.2018 ka 39 punonjës.

## 2. PËRMBLEDHJE E POLITIKAVE KONTABËL

### a. Bazat e përgatitjes së pasqyrave financiare

Pasqyrat financiare janë përgatitur, sipas parimit të materialitetit, në përputhje me legjislacionin shqiptar mbi kontabilitetin Ligji nr. 9228 datë 29 prill 2004 "Mbi kontabilitetin dhe pasqyrat financiare" të ndryshuar si dhe parimet bazë e rregullat e parashikuara në "Standartet Kontabël Kombëtare" (SKK).

Lista e llogarive të përdorura për mbajtjen e regjistrimeve kontabël është ajo e shpallur nga Këshilli Kombëtar i Kontabiliteti.

Pasqyrat financiare të shoqërisë janë përgatitur në bazë të konceptit të të drejtave dhe detyrimeve të konstatuara.

Vlerat në pasqyrat financiare janë të shprehura në monedhën kombëtare LEK.

### b. Aktive afatgjata materiale dhe jo materiale

Aktivet afatgjata materiale janë regjistruar në llogaritë e shoqërisë me kosto historike duke zbritur amortizimin e akumuluar.

## Advanced Business Solutions-ABS

---

Metoda për llogaritjen e amortizimit për të gjitha AAM të shoqërisë është metoda e vlerës së mbetur. Normat vjetore të amortizimit të aplikuara, janë si më poshtë:

Përshkrimi	Norma vjetore në %
Ndërtesa	5
Makineri Pajisje	20
Mjete Transporti	20
Mobilje Orendi	20
Pajisje Zyre Informatike	25

### c. Llogaritë e arkëtueshme dhe detyrimet

Llogaritë e arkëtueshme dhe detyrimet janë paraqitur në pasqyrat e pozicionit financiar bazuar në shumat e faturave të dërguara klientëve ose të marra nga furnitorët.

### d. Inventari

Në këtë zë janë përfshirë gjendjet e inventarit të "Mallrave për rishitje" tek të tretët. Inventarët maten fillimisht me kosto. Metoda e vlerësimit është metoda e kostos mesatare të ponderuar.

### e. Paraja dhe ekuivalentët e parasë

Paraja dhe ekuivalentët e parasë përfshijnë arkën në LEK dhe në monedhë të huaj si dhe paratë e mbajtura në bankat në Shqipëri.

### f. Transaksionet në monedhë të huaj

Transaksionet në monedhë të huaj konvertohen në LEK dhe regjistrohen me kursin e këmbimit të vendosur në datën e transaksionit. Mjetet monetare në monedhë të huaj konvertohen në LEK me kursin e këmbimit të përcaktuar nga Banka e Shqipërisë në datën e pasqyrat e pozicionit financiarit. Diferencat që rezultojnë nga kursi i këmbimit kalojnë në pasqyrën e të ardhurave dhe shpenzimeve të shoqërisë si diferenca të realizuara nga kursi këmbimit.

Zëra të tjerë jo monetarë në monedhë të huaj konvertohen në LEK duke përdorur kursin e këmbimit të përcaktuar nga Banka e Shqipërisë në datën mbylljes së pasqyrave të pozicionit financiarit. Diferencat që rezultojnë nga kursi këmbimit paraqiten në pasqyrën e performancës në fund të vitit si diferenca të porealizuara nga kursi i këmbimit.

Kurset zyrtare të këmbimit të përdorur për vlerësimin e gjendjeve në valutë me datë 31/12/2018 janë: Kursi i këmbit: **1 Euro = 123.42 Lekë/Euro**                      **1 USD = 107.82 Lekë/USD**

### g. Njohje e të ardhurave dhe shpenzimeve

Të ardhurat njihen në masën që është e mundshme që përfitimet e ardhshme ekonomike do t'i vijnë shoqërisë dhe këto përfitime mund të maten në mënyrë të besueshme. Shpenzimet njihen në pasqyrën e të ardhurave dhe shpenzimeve kur ato kryhen. Të ardhurat dhe shpenzimet regjistrohen në pasqyrat financiare të periudhës të cilës i përkasin.



### **h. Tatimi mbi fitimin**

Tatimi mbi fitimin është llogaritur në përputhje me dispozitat e legjislacionit në fuqi për tatimin mbi fitimin për periudhën e mbyllur më 31 dhjetor 2018. Tatimi mbi fitimin përfshin tërësisht tatimin mbi fitimin e llogaritur për periudhën kontabël. Tatimi aktual mbi fitimin llogaritet si 15% e fitimit të tatueshëm të përcaktuar në legjislacionin e kontabilitetit dhe legjislacionin tatimor në Shqipëri.

### **i. Aksionet e kapitalit**

Aksionet e thjeshta njihen si kapital. Aksioni (kuota e kapitalit) njihet me vlerën nominale.

### **j. Parimi i vijimësisë**

Pasqyrat financiare sipas legjislacionit janë përgatitur sipas parimit të vijimësisë, i cili parashikon realizimin e aktiveve dhe shlyerjen e detyrimeve gjatë ecures normalë të biznesit.

## **3. SHËNIMET SHPJEGUESE**

### **1. Aktivet Afatshkurtra**

#### **Shënim nr. 1: "Aktivet Monetare" 168,592,103 Lekë**

Gjendjet e llogarive të likuiditeteve të paraqitura në pasqyrat financiare janë të njëjta me të dhënat e kontabilitetit rrjedhës dhe konfirmohen me tepricat e llogarive bankare dhe inventarët fizikë të mjeteve monetare në arken e shoqërisë. Tepricat e shprehura në monedhë të huaj, janë konvertuar në monedhën vendase, lekë, duke përdorur kursin e këmbimit në datën 31/12/2018 publikuar nga Banka e Shqipërisë. Njohja, matja fillestare dhe vlerësimi i mëpasshëm i këtij instrumenti financiar është bërë në përputhje me paragrafët nr 11-21 të SKK-s së përmirësuar nr.3 "Instrumentat Financiarë".

#### **Shënim nr. 2: "Të drejta të arkëtueshme" 293,867,349 Lekë**

##### **2.1 Klientë: 293,036,893 Lekë**

Në zërin "Kërkesa të arkëtueshme" janë pasqyruar të drejtat (llogaritë e arkëtueshme) që njësia ekonomike ka ndaj të tretëve si pasojë e aktivitetit të shfrytëzimit dhe të tjera, ku përmendim Njohja, matja fillestare dhe vlerësimi i mëpasshëm i tyre realizohet duke mbajtur në konsideratë kërkesat e SKK të përmirësuar Nr. 3 "Instrumentat Financiarë", paragrafët nr. 11-21. Për vlerësimin e tyre është përdorur metoda e kostos së amortizuar.

##### **2.2 TVSH Doganë: 830,456 Lekë**

Kjo pasqyron vlerën e TVSH-s që shoqëria ka paguar më tepër në Drejtorinë e Përgjithshme të Doganave.

## Advanced Business Solutions-ABS

### Shënim nr. 3: "Mallra" 107,499,617 Lekë

Zëri "Mallra" paraqitur në PF, në datën e raportimit 31.12.2018 janë zbatuar parimet e njohjes, matjes dhe vlerësimit të mëpasshëm në përputhje me SKK-t e përmirësuar nr.4 "Inventarët", paragrafët 8-33.

Kosto e inventoreve të përdorur gjatë periudhës dhe gjendja në datën e raportimit të PF, është matur-vlerësuar duke përdorur metodën e kostos mesatare të ponderuar.

## II. Aktivet Afatgjata

### Shënim nr. 4: "Aktivet afatgjata materiale" 69,859,405 Lekë

Aktive të Qëndrueshme	Ndërtesa	Makineri Paisje	Mjete Transporti	Paisje Kompjuterike	Mobilje & Paisje Zyre	Totali
<b>Gjendje 01.01.2018</b>	<b>98,872,909</b>	<b>486,663</b>	<b>9,655,823</b>	<b>3,571,615</b>	<b>1,683,988</b>	<b>114,270,998</b>
Shtesa	-	253,747	-	621,490	209,850	<b>1,085,087</b>
Pakesime	-	-	-	503,190	-	<b>503,190</b>
Transferuar ne grupe te tjere						
<b>Gjendje 31.12.2018</b>	<b>98,872,909</b>	<b>740,410</b>	<b>9,655,823</b>	<b>3,689,915</b>	<b>1,893,838</b>	<b>114,852,895</b>
<b>Amortizimi</b>						
<b>Gjendje 01.01.2018</b>	<b>32,415,518</b>	<b>206,663</b>	<b>4,854,822</b>	<b>1,894,567</b>	<b>1,184,011</b>	<b>40,555,581</b>
Shtesa	3,322,870	65,030	973,344	504,023	111,351	<b>4,976,618</b>
Pakesime			22,750	515,959		<b>538,709</b>
Transferuar ne grupe te tjere						
<b>Gjendje 31.12.2018</b>	<b>35,738,388</b>	<b>271,693</b>	<b>5,805,416</b>	<b>1,882,631</b>	<b>1,295,362</b>	<b>44,993,490</b>
<b>Vlera neto 01.01.2018</b>	<b>66,457,391</b>	<b>280,000</b>	<b>4,801,001</b>	<b>1,677,048</b>	<b>499,977</b>	<b>73,715,717</b>
<b>Vlera neto 31.12.2018</b>	<b>63,134,521</b>	<b>468,717</b>	<b>3,850,407</b>	<b>1,807,284</b>	<b>598,476</b>	<b>69,859,405</b>

Aktivitet afatgjata materiale janë pronë e shoqërisë, janë dokumentuar në mënyrë të rregullt dhe priten përfitime nga përdorimi i tyre në të ardhmen. Vlerat e mësipërme të AAM përputhen me inventarin fizik të tyre datë 31.12.2018.

Vlerat dhe klasifikimi në grupe i AAM-ve në pasqyrat e pozicionit financiar dhe në tabelën e mësipërme përputhen me të dhënat e kontabilitetit dhe të inventarizimeve fizike që shoqëria e ka kryer në fund të muajit Dhjetor 2018. Për trajtimin kontabël gjatë dhe në fund të periudhës raportuese, që nga momenti i njohjes për herë të parë të tyre në librat kontabël, duke vijuar me tej me matjen e vlerësimit të tyre në dalje dhe në datën e raportimit financiar, në përputhje me SKK nr 5 "Aktivet Afatgjata Materiale dhe Aktivitet Afatgjata Jomateriale" e përmirësuar, paragrafët 8-54. Pasqyrimi i tyre në PF është bërë me Vlerën Kontabël Neto në datën e raportimit. Në metodën e llogaritjes së amortizimit janë mbajtur parasysh dhe kërkesat e Ligjit nr 8438 datë 28.12.1998 "Për tatimin mbi të ardhurat" i ndryshuar, neni 22, sipas metodës së përqindjes mbi vlerën e mbetur të aktivitet.

Vleresimi fillestar në momentin e njohjes si asetë është bërë me koston e blerjes dhe në datën e mbylljes së pasqyrave të pozicionit financiar paraqiten me koston e tyre minus amortizimin e



## Advanced Business Solutions-ABS

akumuluar, si dhe pasqyrohen aktivet e blera gjatë vitit me fatura tatimore shitje dhe daljet e tyre dhe për aktivet e bëra dalje është llogaritur amortizimi deri në datën e fundit që këto aktive kanë qenë në përdorim të shoqërisë dhe aktivitetit ekonomik.

Drejtimi mendon se përgjithësisht për këtë vit ushtrimor kontabël, nuk ka shenja të renies në vlerë të AAM-ve dhe nuk ka llogaritur zhvlerësime.

Metodat dhe normat e amortizimit të AAM-ve të përdorura janë njëjta me ato që përdoren për qëllime fiskale. Masa e llogaritur e amortizimit si shpenzim nuk i tejkalon kufijte e njohur për efekte fiskale.

### I. Detyrimet Afatshkurtra

**Shënim nr. 5: "Detyrime Afatshkurtra" 264,489,006 Lekë**

Huat dhe parapagimet	Viti 2018	Viti 2017
Të pagueshme ndaj furnitorëve	227,606,764	142,470,239
Furnitorë për fatura të pambërritura	0	0
Të pagueshme ndaj punonjësve	7,234,798	716,904
Detyrime për Sigurime Shoq.Shënd.	752,628	1,021,808
Detyrime tatimore për TAP-in	2,972,327	2,464,751
Detyrime tatimore për TVSH-në	3,777,573	5,975,576
Tatim Fitimi	14,368,378	5,326,935
Tatim Burim	27,713	32,741
Arkëtime në avancë	7,748,825	1,307,247
<b>Total</b>	<b>264,489,006</b>	<b>159,316,201</b>

**5.1 Të pagueshme ndaj furnitorëve:** Të pagueshme ndaj furnitorëve janë paraqitur vlerat për tu paguar të tretëve për shitje mallrash/kryerje shërbimesh të kryera për shoqërinë.

**5.2 Detyrime për Sigurime Shoq.Shënd:** Pasqyron detyrimin që shoqëria ka për Sigurimet Shoqërore dhe Shëndetësore në baze të Listepagesës për muajin Dhjetor 2018. Këto detyrime janë paguar në muajin Janar 2019.

**5.3 Detyrime tatimore për TAP-in:** Pasqyron detyrimin që shoqëria ka për Tatimin mbi të Ardhurat Personale në baze të Listepagesës për muajin Dhjetor 2018. Këto detyrime janë paguar në muajin Janar 2019.

**5.4 Detyrime tatimore për TVSH-në:** Pasqyron detyrimin që shoqëria ka për Tatimin mbi Vlerën e Shtuar për muajin Dhjetor 2018. Këto detyrime janë paguar në muajin Janar 2019.

**5.5 Arkëtime në avancë:** Përfaqëson vlerën që shoqëria ka arkëtuar në avancë, paradhënie nga klientët.